

説  
鈴

082.1  
Se 2162  
W

扈從西巡録  
塞北小鈔

5

六七




国立国会図書館

タイトル『説鈴』 請求記号 082.1-Se2162

ガラス使用





王制天子六年一巡狩又省耕省斂歲再與畿甸  
吏民相見而蒐苗獮狩迭舉於四時豈為畋遊所  
以勤恤民瘼講武事也恭惟我

皇上稽古典禮披圖按牒於歲之二月西巡代幸五臺

山侍講臣士奇實扈從左右

大駕以二月甲申發京師歷五臺諸山寺道苑家口南

海子以三月戊申還宮往返二十五日士奇乃識

其山川道理所經繫以月日為扈從西巡目錄一

卷命左贊善臣徐乾學序其簡端臣竊觀唐宋以

卷六 扈從西巡目錄序

卷六

67710





來扈從諸臣類皆盛稱上林羽獵以侈大美觀然  
今讀其辭務瑰奇麗靡多過其實而史臣以爲其  
卒歸之於正因以諷諫蓋失其指矣今士奇所錄  
具載

皇上子元元問疾苦安不忘危之意而


奎章宸翰時時輝映於琳宮梵剎間者亦備錄焉旁及  
山川鳥獸草木以至幽崖邃谷薜碣殘碑山經所  
未備往往摶撫附見於其間可謂約而該質而有  
體無俟夸詡揚厲爲瑰奇麗靡過質之詞而識者  
謂與上林羽獵足並不朽其故何與蓋以

皇上寬仁恭儉崇儒而右文當六合一家朝野晏然間  
有事於遊豫而六飛所至不妨稼不病民巡幸以  
時合之典禮而士奇以文學之士遭逢盛世得陪  
屬車奉清塵第質書其事而

天子仁聖

君臣相得之隆具可概見以視司馬相如揚雄沉博鉅  
麗實爲過之所遭之時異也臣乾學於是拜手敬  
書而歸之時康熙二十二年四月十日也





扈從西巡日錄

內廷供奉翰林院侍講 高士奇

康熙二十二年二月十二日甲申

鑾輿由宣武門出廣寧門過盧溝橋河流沆漭桑乾河也俗呼曰渾河亦曰小黃河橋建自金明昌初趙秉文詩云河分橋柱如瓜蔓路入都門似犬牙落日盧溝溝上柳送人幾度出京華見滄水集經房山縣西南望大房山巖谷幽邃古碑稱為幽燕奧室也元高克恭字彥敬僑居於此得二米潑墨法





言金  
趙文敏虞文靖亟稱之世人目之爲高房山

駐蹕琉璃河宋王曾奉使錄作劉李河金史亦同蓋因  
劉李二姓居之河以是名今訛曰琉璃大房山孔  
水入焉石橋跨之形勢巨麗亞於盧溝又有拒馬  
胡良二橋皆以河水名拒馬水卽水經注所稱聖  
水也出上谷東逕石玉山過良鄉縣逕羊頭阜合  
涿水桃水至河間入海一統志則云自房山龍泉  
峪流至霸州入拒馬河會輿所載琉璃河自磁家  
務發源潛流地中至良鄉東入渾河以地形考之  
此當近是胡良河亦出房山

乙酉

駐蹕涿水縣西北縣城舊在拒馬河西北二里俗名周  
城灣後徙置北莊俱爲河水所啗乃移今所水經  
曰拒馬河出代郡廣昌縣涿山酈道元註曰卽涿  
水也

丙戌行圍易州山中荒岡巨阜冬生荊株土人壘  
石覆草以居燒炭爲業歲取給於此易水出涿郡  
固安縣閭鄉城谷中東逕易州城入拒馬河燕太



子丹祖荆軻於易水上固此處矣

駐蹕丁家莊有餉易釀者較京師所市色味頗佳雖不能飲為之薄醉

丁亥

駐蹕白澗村子莊溪舊志云州西南五十里有水從紫荆關南流入白澗水有二源合注一川川石皓然望同積雪故以物色受名

戊子

駐蹕大沙河是日所經之地聚棗茂密枝糾榦亞映帶

平阜似觀郭熙圖畫

己丑

上尚食於完縣城南百姓觀者無禁

賜以梁肉

召年老者使前各賚白金一定稚子亦賜制錢慰勞遣之有蔡丹桂者在衆中自言係縣學生

上命講飛龍在天利見大人及德輶如毛毛猶有倫句講畢丹桂奏言家貧不能為生

上賜白金五兩金盤蘋果六枚





論之曰爾當努力讀書開卷有益也臣遭逢珥筆仰見  
皇上遊豫之時黃童白叟歡呼載道洵有堯民擊壤之

風焉

駐蹕唐縣堯初封唐國及爲天子始都平陽縣東北十  
里有堯山俗名唐崑又五里有望都山相傳堯母  
慶都故亦名望都也元王惲秋澗集有曲陽道中  
詩軟紅沙路柳條風雪擁陽坡見峴融細繞嘉山  
三面過唐河東北望元封嘉山在定州西曲陽與  
唐縣接壤

庚寅過阜平縣廢址荒蕪滿目斑牛平陽獨子小  
河諸水俱南流入滹沱按阜平本漢行唐縣地宋  
置北塞金明昌中設阜平縣我

朝省入行唐曲陽二縣居民遮道上言廢縣後輸稅  
苦遠願復舊治

上憫之下部議乃復設焉

駐蹕王槐鋪烟火千家三關孔道也志載成化十四年  
有異鳥止于阜平王槐鋪林間其大如鶴五綵爛  
然聲振巖壑人皆目之爲鳳凰云今土人訛爲王



槐舖

辛卯雨過鞍子嶺路漸曲岠水石潑紆登頓上下  
百二十里

駐蹕龍泉關關設于正統二年隸曲陽縣一統志云自  
是而東北至金龍口凡二十一關自是而西南至  
白羊口凡一十五關明御史裴紳奏疏云龍泉關  
在真定之西與紫荆倒馬爲聲援五臺繁峙必由  
之路也按隋書唐書地理志曲陽關口有三八度  
倒馬委粟皆極險要今惟倒馬仍存舊名或云八  
度關在唐縣西北界水曲屈有八度也

壬辰度長城嶺又名十八盤嶺凡二十里關山險  
隘石磴崎嶇一松蒼翠臨崖碑題宋楊延昭挂甲  
樹宋史載延昭於太平興國中補供奉官從其父  
業攻應朔爲先鋒後又爲莫州團練使護塞鄙北  
二十餘年往來于此理或有之過嶺入山西界蹊  
塗開廣大雪彌望清涼諸峰森列可數時有二鹿  
遊戲巖岫呼之卽至臣士奇曰此豈山靈所獻耶  
車駕小憩白雲山寺寺在南亭東北十餘里明嘉靖間



有行者生而皓首卓錫於此後不知所終故舊名  
曰白頭菴望海寺在半岡萬松之表栖賢社在栖  
賢谷口靈鷲峰乃中臺支山五峰類髻稱菩薩頂  
峰右有甘露泉味最甘冽大文殊寺唐釋法雲所  
建相傳殿成時文殊現像雲命塑工安生肖之名  
曰真容院王伯厚因學紀聞內載宋太宗曾以御  
書賜五臺道容院建閣曰寶章清涼山志但載宋  
真宗景德四年救五臺真容院建重閣綺煥殊麗  
映曜林谷賜額奉真金齋貢有真容院詩云魔宮  
佛界等空虛此理何曾屬有無直向臺山始相見  
可中還有二文殊又元好問詩云兜羅綿界寶光  
雲雲際同瞻化現身解脫文殊俱有說是中知有  
木強人貢字真卿咸陽人官至戶部尚書謚文簡  
二詩志俱未載寺為西域僧所居金花寶蓋充滿  
其中佛火僧厨歲有常給

上天殿瞻禮既畢復歷廣宗永明圖照搶院羅喉殊像  
諸寺皆在靈鷲之麓土人名曰臺懷清涼最佳處  
也廣宗寺明正德年為生民祈福建鑄銅為瓦因





呼銅瓦殿永明寺建自漢明帝永平中以山形似  
鷲嶺故名大孚靈鷲寺元魏孝文帝置十二院環  
匝鷲峰前有雜花園亦名花園寺元好問臺山雜  
詠所云山上離宮魏故基黃金佛閣到今疑是也  
唐太宗時重加葺治武后改稱太華嚴寺明成祖  
賜額大顯通寺萬歷中又更永明寺中有無梁殿  
架石爲之不設寸木崇隆深廣疑有鬼工寺後銅  
殿一區銅塼五座工制俱極精巧圓照寺在永明  
寺左古稱普寧寺大寶塼院寺在永明寺南喇萬  
歷戊寅孝定皇后重建內有阿育王所置佛舍利  
塼文殊髮塼在其左側後殿轉輪藏纓珞周垂絢  
以金碧朱輪潛運圓轉如飛羅睺寺在塼院東北  
隅蓮花藏規制甚異俗謂花開見佛也去鷲峰三  
里許爲梵仙山志以梵爲飯按元好問雜詠有一  
龕香火梵仙山之句山左有殊像寺塑文殊駕狻  
猊像莊嚴獨絕傳爲神人所造見者肅然時日將  
暮遙望紫霞谷羣峰環抱林木隱翳

駕循山徑幸妙德菴講堂深邃門庭虛肅卽志所載無



言金  
一  
逸禪師掘得銅盃處舊名大盃菴

駐蹕菩薩頂

癸巳由金燈寺登南臺山石磽确細路沿雲三十  
七里頂若覆盂五六月間細草雜花布滿巖谷鋪  
若錦繡故名錦繡峰元好問詩登臨夙有故鄉緣  
試手清涼第一篇知被錢郎咲寒乞不將錦繡裹  
山川益指此也其上有普濟寺寺後普賢塢古南  
臺相去五里雲開日出雪光眴目騁望之際萬峰  
同縞清涼石在清涼谷嶺西保安寺內崇六尺五

寸圍四丈七尺石面如砥細理成文天然縞藻傳  
有頭陀趺坐說法梵音琅琅近之卽失後人目之  
爲曼殊床金閣寺在臺西北昔人見金閣浮虛建  
寺擬之資治通鑑唐代宗大歷二年造金閣寺於  
五臺山鑄銅塗金爲瓦所費鉅億時王縉爲相給  
中書符牒令五臺僧數十人散之四方求利以營  
之清涼山志則云唐代宗廣德元年修五臺文殊  
殿鑄銅爲瓦造文殊像高一丈六尺鍍金爲飾今  
寺有鍍金立佛高五丈許或後人更爲增飾然蟲



言金  
魚象旛蘚苔盡座寺不支矣左有天盆谷如仰盆  
狀山北爲車溝兩崖深峭若車箱然又以曲徑透  
迤名曰蛇溝龍樹菴殿壁傾圯嘉靖間僧寶印楚  
峰玉堂結菴同居巨釜尚存

甲午遊萬聖澡浴池在中北二臺間方廣三尺甃  
菩薩座下池前有片石鐫文殊足跡殘鐘短垣蕭  
然四壁相傳池本一潭樵夫臨之於天光日影中  
見天仙沙門蓮花錫杖之狀人或以爲菩薩盥掌  
之所四方人士盛暑時多持香花拭巾投之後人

鑿方爲池構宇其上靈相遂隱自此望北臺岬嶠  
橫雲如在天際蜿蜒一徑右逼峻嶒左臨峭削水  
凝雪積石滑路危下馬徐行足跣跣自戰將至臺  
上猛風厲發凜若隆冬吹人如棉葉幾墮欄中雖  
衣重裘寒氣矢透

上解御服文狸裘及麋鹿裳命臣衣之頓覺陽和被體  
眞

異數也北臺高四十里頂平廣周二里名叶斗峰寺曰  
靈應寺峰勢摩天搔首可問白雲英英吞吐萬狀



俯瞰諸峰烟靄糝雜恍然杳然倏陰倏晴造化奇  
觀莫可殫述臺側黑龍池一名金井上有龍祠禱  
雨輒應池廣不盈丈大唐傳載乃云北臺下有青  
龍池約二畝佛經言禁五百毒龍之所按志傳有  
降龍大師名誠惠居李牛谷誦華嚴經山神爲獻  
花果時有毒龍害物惠攜淨瓶咒之龍入瓶七日  
革毒心惠乃釋之五代史後唐家人傳云僧誠惠  
自言能降龍嘗過鎮州王鎔不爲之禮誠惠怒曰  
吾有毒龍五百當遣一龍揭片石常山之人鱉魚  
鱉也會明年滹沱大水環鎮州闕城人皆以爲神  
孫光憲北夢瑣言載誠惠本末則云同光初京師  
旱迎至洛陽祈雨數旬無徵應或以焚燎爲聞懼  
而潛去至寺慙恚而終傳稱之曰法雨大師塲號  
慈雲近於夸矣取道入華嚴谷一名東臺清登東  
臺峻崖絕稠約高三十餘里頂若鰲脊名望海峰  
寺曰望海寺蓋東望明霞若波若鏡卽大海也因  
以爲名頂有漫天石志傳夏則流液夜則有光下  
山行二十餘里歷碧山寺舊爲北山寺象教精嚴



言金  
梵唄清越是息心淨行之地也

乙未登西臺法雷寺松杉交蔭叢柯隱景隔樹見  
從騎折旋而上如閣棧然臺高三十五里頂平廣  
月墜峰巔儼若懸鏡故名挂月峰時方清曉殘月  
半輪猶在巖際法苑珠林謂上有小石浮圖其量  
千計卽是魏文帝宏所立石上人馬跡宛然如新  
卽其地也八功德水在臺北牛心石在臺東土人  
云可療心疾從臣競請鑿取

御書歲月志之中臺與西北二臺相接高三十九里

椒涪曠翠靄稠疊名翠巖峰中有演教寺南眺晉  
陽北俯沙塞元好問詩云巔風作力掃陰霾白日  
青天四望開好箇臺山真面目爭教坡老不曾來  
登此讀之足以豪矣東南麓有萬壽寺卽玉華寺  
隋時五百應真栖此有禩數十疋不用人馳能入  
市運糧過夏輒隱是時白蓮生池堅瑩若玉七日  
乃爍代州守髡爲池志曰玉華今有鐵羅漢五百  
軀各具山林瀟灑之相漱玉華泉清冷獨異壽寧  
寺在南嶺古名王子焚身寺志稱北齊帝子性厭



塵勞自焚于此火光中現菩薩身內侍劉謙之奏  
帝敕建茲寺攷北齊書惟洛王思宗子元海累遷  
散騎常侍願處山林修行釋典文宣帝許之乃入  
林慮山絕棄人事經二年志不能固自啟求歸其  
事絕不類蓋出僧徒傳會之說耳宋景德初改建  
曰壽寧寺

上親題御書分賜諸寺

天章瑰麗炳燭名山隆古所未有也臣謹按柳宗元送  
浮屠文暢登五臺序有曰雲代之間有靈山焉與

竺乾鷲嶺角立相應者也樂史太平寰宇記五臺  
山在代州五臺縣東北一百四十里華嚴經大疏  
清涼山卽代州雁門郡五臺山也歲積堅冰夏仍  
飛雪曾無炎暑故曰清涼五峰聳出頂無林木有  
如壘土之臺故曰五臺法苑珠林山方三百里巉  
巖崇峻臺上不生草木經言文殊將五百仙人往  
清涼山卽斯地也太平廣記山東峰有離岳火球  
西峰有麗農瑤室南峰有洞光珠樹北峰有玉澗  
瓊枝中峰有自明之金環光之壁資治通鑑唐武



宗會昌五年毀天下寺五臺僧多亡奔幽州胡三省注云山在長安東北一千六百餘里代州之所管山頂至州城一百餘里其山左鄰恒嶽右接天池南屬五臺縣北至繁峙縣環基所至五百餘里靈記云五臺山有四埤去臺各一百二十里據古經所載今北臺卽是中臺中臺卽是南臺大黃尖卽是北臺栲栳山卽是西臺漫天石卽是東臺無漁臺恒山頂是也昔趙襄子名無恤曾登此山觀代國下瞰東海西瞻臺山有宮池古廟龍樓鳳閣遍滿池邊號爲西埤南繫丹山上有銅環船軸猶在昔帝堯遭水繫舟於此世傳文殊見於南臺號爲南埤北有覆宿堆卽夏屋山也後魏孝文皇帝避暑往復宿此下見雲州謂之北埤中臺稍近西北有大華泉有古寺二十餘處東臺去太華泉四十二里臺上遙見滄瀛諸州日出時下視大海猶陂澤焉有古寺十五處西臺去太華泉十里危嶺千雲喬林拂日有古寺十二處南臺去太華泉八十里最爲幽寂有古寺九處北臺去太華泉十二



里有古寺八處唐末所添寺不在其數其見於載  
記者如此蓋山當西北荒寒之地遊屐鮮至惟於  
盛夏僧徒法侶裹糧以從禮佛而返流連題咏者  
不多見焉臣今扈從獲登是山周覽名勝誠宇內  
之怪異詭觀也山有五峰脉絡倚伏皆與中臺相  
屬梵刹百餘丹堊輝映昏鐘曉磬響答雲外沙泉  
泱泱環流于長松細石間徑轉峰迴一水屢渡林  
木蒼鬱盡在巖阿有杉叢生下視若薺土人目爲  
落葉松又曰柴木雨餘產菌如斗其色乾黃是謂

天花其在陰崖叢薄落葉委積蒸濕怒生白莖紫  
繖是謂地菜宋朱弁有謝崔致君餉天花詩云地  
菜方爲九夏珍天花忽從五臺至堆盤初見瑤草  
瘦鳴齒稍覺瓊枝脆赤城菌子立萬釘今日因君  
不知貴可稱工於狀物矣又有銀盤猴頭皆菌屬  
味亦香美名花有五曰日菊曰金芙蓉曰百枝曰  
鉢囊曰玉仙異草有三曰曹薹曰雞足曰菩薩綫  
元好問詩云一國春風帝子家綵雲晴雪間紅霞  
香縣穩藉僧溪草蜀錦驚看佛鉢花沉沉龍穴貯



言金  
雲烟百草千花雨露偏佛土休將人境比誰家隨  
步得金蓮蓋指菩薩綫鉢囊金芙蓉也其禽有山  
鳥寒號蟲山鳥似鳥而小赤背穴乳爾雅所謂鷓  
也陶宗儀輟耕錄五臺山有鳥名寒號蟲四足有  
肉翅不能飛其糞卽五臺脂當暑文采縮爛乃自  
鳴曰鳳凰不如我比至深冬毛羽脫落索然如鷓  
雛遂自鳴曰得過且過楊慎丹鉛錄謂卽鳥且然  
月令仲冬之月鷓鴣不鳴似與寒號之名未協五  
代史劉承鈞拜五臺山僧繼某爲鴻臚卿繼某故

燕王劉守光之子爲人多智善商財利自旻世頗  
以頽之繼顯能講華嚴經四方供施多積蓄以佐  
國用五臺當契丹界上繼顯常得其馬以獻號添  
都馬歲率數百匹後累官至太師中書令追封定  
王邵博聞見後錄五臺山佛光其傳舊矣唐穆宗  
實錄元和十五年四月四日河南節度使裴度奏  
五臺山佛光寺側慶雲現若金仙乘俊貌領其徒  
千萬自己至申乃滅又峩眉普賢寺光景殊勝不  
下五臺在唐無聞李太白峩眉山詩言仙而不言



言金  
佛李長吉合論言五臺山而不言峩眉山又山中  
諸佛祠俱無唐刻石文字疑特盛於本朝也朱弁  
曲洧紀聞清涼山清涼寺蓋文殊示現之地也去  
寺一里餘有泉號一鉢泉一鉢許挹之不竭或久  
之不挹雖盈而不溢又云長松產五臺治大風有  
殊效世人所不知也文殊指以示癩僧僧如其所  
教其患卽愈自此名著於清涼傳而本草未載姚  
福青溪暇筆云上黨雁門出一草藥名長松能治  
大風氣味芳烈亦可作湯常服東坡送張天覺詩

西登太行嶺北望清涼山晴空浮五髻曉靄卿雲  
間餘光入巖石神草出茅管何人相指示稍稍落  
人間能令墮指兒虬髯茁水顏祝君同此草爲民  
已痼瘵又次韻答天覺詩且要長松作土毛注五  
臺山有草藥名長松亦名仙茆有患大風者逢僧  
指示長松草而愈姑附錄之以補清涼山志之所  
未及

丙申

車駕發自菩薩頂去臺懷二十餘里徑一山村崇岡灌



木微見曦影禪栖數楹在山深處前有古樹高二

丈許枝幹盤虬相傳為娑羅樹也廣韻作娑羅盛宏之

荊州記巴陵縣南有寺僧房牀下忽生一木隨伐

隨生旬日勢凌軒棟道人移房避之木長便遲但

極晚秀有外國沙門見之名為娑羅也彼僧所憩

之蔭常著花細如白雪元嘉十一年忽生一花狀

如芙蓉段成式酉陽雜俎天寶初安西道進娑羅

枝狀言臣所管四鎮有拔汗那最為密近木有娑

羅樹特為奇絕不庇凡草不止惡禽巢幹無漸於

松括成陰不愧於桃李近差官拔汗那使令採得

前件樹枝二百莖如得託根長樂擢穎建章布葉

垂陰隣月中之丹桂按影對天上之白榆唐

李邕楚州淮陰縣娑羅樹碑娑娑十畝蔚映千人

惡禽翔而不集好鳥止而不巢隨所方面頗證靈

應東瘁則青郊苦而歲不稔西茂則白藏泰而秋

有成洪邁容齋隨筆宣和中向子諲過淮陰見此

樹今有二本方廣丈餘蓋非故物矣吳興芮國器

有從沈文伯乞娑羅樹碑詩云楚州淮陰娑羅樹





霜露榮瘁今何如能令草木死不極當時爲有北海書荒碑雨侵澁苔蘚尙想墨本傳東吳正賦此也歐陽公有定力院七葉木詩云伊洛多佳木娑羅舊得名常於佛家見宜在月宮生鉅砌陰鋪靜虛堂子落聲亦此樹耳范成大三峩山記大峩山有娑羅平娑羅者其木華如海桐又似楊梅花紅白色春夏間開惟此山有之如登山半卽見之至此滿山皆是觀諸書所載娑羅樹不獨此山有之然其生特異凡木樹數百枝枝十餘頭頭六七葉

惜未見其花時也出谷瀨大溪行水石與馬蹄聲相激一虎伏道旁灌莽間逐之旣登山椒復躍至平陸

上援弓射之立斃巡撫山西右副都御史穆爾賽按察使司庫爾康奏言此虎盤踞道左傷人甚衆

皇上巡幸茲土爲商旅除害當名其地爲射虎川固請至再

上乃可之虎皮留大文殊寺所經湧泉寺在舊路嶺廻龍寺在掛甲樹側下長城嶺



駐蹕龍泉關

丁酉發龍泉關關側崇崖竦峙

上停駕而射連飛三矢直逾巖頂三百餘步居民遂呼

其地爲三箭山

駐蹕長壽莊

戊戌微雨山桃已開過王槐舖二里餘石壁矗立

名曰鴿崖下有沉潭淵深莫測數百年來未有敢

捕魚者

上命舟施網得巨魚二尾

駐蹕西甗水按水經注唐水西流歷左人亭注滋水又

東左會一水水出中山城北郎中埠下亦謂之唐

水又名甗水西南流入滄滄水又東恒水西來注

之禹貢所謂恒衛旣從也

己亥

駐蹕慶都縣堯母墓在縣城東有臺曰堯臺高二丈廣

十丈丹朱墓在城東百步許地里志云堯子丹朱

葬堯母墓後有鳳凰架傳有鳳凰集此

庚子



駐蹕東閭村村有延慶寺漢永昌年建

辛丑晚過安州志云古堤在州城北易水濱東自  
邊村而下接雄縣南自板橋而下接蠡縣以防九  
河之水或曰始於秦至宋時更築有雲錦亭在堤  
上花卉鮮麗望如雲錦故名

駐蹕新安縣相傳金章宗遊幸之地縣治西有蓮花池  
梳洗樓在東城上雲楣月牖遺構宛然元梁至剛  
字浩然新安人好著論研精至理從劉靜修游往  
返忘勸或勸之仕曰堯舜之世尙有巢由吾何仕  
乎終身肥遯號溪南老人

三月朔壬寅

駐蹕趙北口屬河間府任正縣志稱高陽河自高陽縣  
來經趙堡口漢獻帝時民謠云燕南垂趙北際中  
央不合大如礪惟有此中可避世趙北之名殆昉  
於此龐元英文昌雜錄雄州城南陂塘數十里芟  
荷極望以小舫遊其間鷗鷺往來紅香泛於樽俎  
四時有蟹暑月甚肥雖江鄉亦無此景元宋學士  
褰詩長溝如浙右下壤似淮東語不虛也



說鈴  
癸卯舟行過保安城遙望鄭州城遺址城東北有  
藥王莊爲扁鵲故里史記扁鵲者渤海郡鄭人也  
徐廣以爲鄭當爲鄭鄭縣名今屬河間蓋鄭本漢  
縣唐開元中以鄭宇類鄭因更爲莫秀水沈德符  
野獲編鄭州卽公孫瓚所築易京東坡詩可攷周  
世宗立霸雄鄭三州霸仍爲州雄降爲縣鄭則廢  
勿治明永樂年間撤其城土基猶完好竊謂此地  
爲畿輔要害去州縣稍遠大盜多盤踞其中不可  
詰問宜仍立縣設守令彈壓之城外藥王廟專祀

扁鵲香火最盛每年四月河淮以北秦晉以東各  
方商賈輦運珍異菽粟之屬入城爲市妙妓雜樂  
無不畢陳云賀藥王生日幙帟遍野聲樂震天每  
日搭蓋蓬廠尺寸地非數千錢不能得貿易遊覽  
閱兩旬方散明萬歷間慈聖太后出內帑增建神  
農軒轅三皇之殿以古今名醫配食自是藥王之  
會彌加輻輳康熙己未四月廟燬今已重加修葺  
矣明楊士奇詩雄縣城南水沒路鄭州城裏水如  
油客行相聚且一醉不見越人空古止掘鯉淀去



此二十里見左思魏都賦水經注云鄭縣城東南  
隅水有狐狸淀俗溷謂之掘鯉淀淀有蒲柳多菱  
茨之屬居民利之潘自牧記纂淵海掘鯉淀在任  
正東南鄭州九十九淀此其一也元薩都刺天錫  
贈莫州縣尹詩云民居星散無官訟里巷秋深盡  
水田禾稼半生城郭裏槐花亂落縣門前今治雖  
廢風景尙依然也

駐蹕苑家口志云夾河源自上谷涿鹿山合胡良河至  
霸州界苑家口洪濤瀾漫一望無際所謂苑口秋

濤也

甲辰行圍水淀中用三槳船百隻分左右翼沿岸  
棹入合圍之際水鳥羣飛鳥鎗競發墮羽殲禽不  
可勝數自趙北口至此厥壤卑下西北諸山水散  
行燕南諸川其合皆滙於是  
有高橋掘鯉五官火  
燒等淀及石溝柳河急河瓦河諸水夏秋之交芟  
荷如繡魚鳥翔泳饒江湖之趣容齋隨筆瀛莫二  
州之境塘灤之上有禽二種其一類鵠色正蒼而  
喙長疑立冰際不動魚過其下則取之終日無魚



亦不易地名曰信天緣其一類鶩奔走水上不問  
腐草泥沙唼唼然必盡索乃已無一息少休名曰  
漫畫信天緣若無能者乃與漫畫均度一日無飢  
色而反加壯大二禽皆稟性所賦其不同如此臣  
先世有菊磻處士感洪氏之說勝其所居爲信天  
巢處士名翥字九萬宋淳熙間人不樂仕進隱居  
教授愛西湖山水與周文璞文酒酬和不肯干謁  
時相卒葬葛嶺談家山臣家自餘姚遷杭由處士  
始今以之 詢諸士人已不能舉其名矣舊築河

堤起涿州東境接固安至霸州之趙村務臨津水  
口經霸州南關有古城址相傳趙武靈王所築堤  
長三百餘里廣尋二尺址倍之崇丈有八尺傍植  
榆柳以爲固其間水口一百六十有七至文安縣  
之蘇家橋大成縣之辛張口而止今亦多頽圯矣  
駐蹕信安鎮南卽宋之信安軍也

乙巳禊日泛舟水淀藉爲祓除雖不得於蘭渚蓬  
池同其觴詠方之王融曲水之詩庾信華林之賦  
虹旌芝蓋扈從



宸遊誰謂古今人不相及也

駐蹕信安鎮南

丙午天氣暄妍春容淡寫淺沙穉柳蕩漾晴烟

上發三十矢獲兔二十有九

駐蹕南柯驛

丁未

駐蹕南海子南紅門內海子元時為飛放泊至大元年

築呼鷹臺於鄆州澤中

或作按鷹臺  
今日瞭鷹臺

初改鷹坊為

仁虞院劉初歸潛志金章宗春水放海青時趙黃

山在翰苑扈從既得鵝索詩黃山立進之其詩云

駕鵝得暖下陂塘綵騎星馳入建章黃傘輕陰隨

鳳輦綠衣小队出鷹坊搏風玉爪凌霄漢瞥目風

毛墮雪霜共喜園陵得新薦侍臣齊捧萬年觴觀


此則鷹坊不始於元也王暉鄆州隆禧觀碑云原

隰平衍洄流芳淀映帶左右建元以來羽獵歲嘗

駐蹕民庶觀羽旄之光臨樂游豫之有賴明永樂

年增廣其地繚以周垣百六十里育養禽獸又設

二十四園以拱花果內有三水故以海名祭酒吳





偉業有海戶曲蟪蟻墳在其東南清明日蟻數萬  
聚此我

朝建新舊二宮東西對峙相去二十里又有德壽寺  
元靈宮釋道居之仍設海戶一千八百人守視人  
給地二十四畝自食其力春蒐冬狩

巡幸以時講武事也

戊申

聖駕回宮往返二十五日得詩二十四首

北臺山行蒙

恩賜

御服文狸裘麋鹿裳禦寒恭紀二首

玉樓凍合雪初晴喜傍雙龍尾後行慚愧此身非

國士

解衣頓使一軍驚

絕巘非關地氣舒欣承璀璨良華裾小蟲頓變寒  
號語誇道光輝鳳不如

扈從清涼山三首

霓旌衛仙蹕月駟揚鸞首并參乍捫歷巖竇逾深



沉尋山異臺向載筆漸沈任綿綿騎出谷泚泚雲  
栖林我

后展遐矚乘時此西臨飛軫越幽塊駐罕眺崎嶇春水  
禱古雪午風迴薄陰枝岐曲澗水木末寒號禽幸  
陪紫府遊側聽清笳吟披圖稽往轍覽物諧素心

皇清一以眷名區傳自今

用謝靈運登池上樓韻

象教從西來茲山名已顯佛樹根互盤天花露常  
泫毒龍卧其湫紺瑱浮於峴升高駭劣削陟遐信  
紆緬鐵鳳千華翔金輪六時轉仰矚臺衣深近覺

髻螺淺霜鐘夜鐺鐺白雲晝舒卷髣髴赤華林對

談人在眼修蛇常山伏歸翼雁門展曠懷得所欣  
遠目詎能辨宜遊自多豫頓使物慮遣

用謝靈運從斤竹澗

越嶺溪行韻

山風吹不已山月忽已高飛鳴衆鳥散縹緲孤雲  
超澄烟拂華旗吉日旋春鑣晨炊夾俞騎舊路循  
單椒靜聽谷口松宛似江門潮潯溪歷澗壑出沒  
經亭臯七葉青娑羅一萼紅山桃泉因見龍發川  
以射虎昭宿莽迷平岡選徒乃于苗回顧嶺上村





林居等檀巢諧此耕鑿民載路康衢用謝靈運從遊京口

北固應詔韻

娑羅樹

傳是安西種空山百歲餘一花常燦爛七葉自扶

疎幹老虬龍出庭荒燕雀虛何人紀喜樹重繼李

邕書

扈從雜記十八首

仙蹕陪遊陟并參年來萬里越崎嶇東西行遍關山路

三度春風宿羽林辛酉扈從山喜峯口巡歷喀爾沁王岐扈從奉天府至大烏喇

今歲扈從清涼山皆於二月望前出都

輕寒未放杏花枝樹底停鞭感歲時不止今春負

花事漫將遊跡比分司元王惲宛州道中詩有誰者分司王老子杏花香裏

選今春之句

河東若下色太重竹葉蒲萄品未醇却愛易州方


法好傾來白薄最宜人

澁水濺濺出谷流沙原路僻草新抽荒雞亭午山

村外報道郵籤過定州

雞豚小市集朝暎風柵時聞水碓喧白首老農歡

說鈴 扈從西巡日錄 卷六





擊壤含舖今見

帝堯尊

書壓牛腰移紫禁芹浮鳳藻采春池月明應念穉

廬客好賦清涼扈從詩

時朱檢討堯尊移居禁垣  
廬編修杜訥遣子歸河間

應試故  
念及之

廉纖小雨濕征衣馬踏遊塵淨不飛山下垂楊破

春色淺枝黃嫩乍依依

雄關一綫倚天開峭壁攢崖入五臺極目雁門沙

塞遠雪中更得辨纖埃

佛頂分來五髻青浮空鳳刹

玉輿停茜衫黃帽插金鐸宮錦齊開梵字經

紫府仙山實與區長杉鬱鬱壑爭趨興來那得勾

龍爽重寫峯巒入畫圖

宣和畫譜載蜀人勾  
龍爽有紫府仙山圖

新安城上有高樓金粉香銷幾百秋傳是章宗遊

賞地纖花細草滿春洲

苑口居人盡水鄉秋來門巷藕花香青菱紫芡論

錢賣不解量晴較雨忙

野淀瀰漫一望迷魚莊蟹舍接通堤遠天雲樹依



微裏只少樓臺似浙西

天畢連宵駐信陽萬家烟火近滄浪瓦橋渡口關

梁廢漁父依然話六郎

瓦橋關乃宋將楊延昭屯兵處

鳥嘴金槍內製稀輕丸散處落雙飛周廬夜久重

炊火

賜出園中野鴨肥

內製鳥槍規式精絕

上每一發輒鐵

野禽三四

蜺旌冒曉動晴烟已日欣逢稷水邊此際讌醜歌

在藻不須蘭渚羨當年

曲江歸棹已經年又是鳴鳩落絮天曾約蒲帆挂

南浦春深仍奉屬車還

張學士英于去歲三月六日登舟時在奉天府寄詩

遙送今經


一載矣

光風淡宕轉東臯法從人歸敢告勞掃地未應輸

芍藥堆盤猶及薦櫻桃

蘇軾送春詩云芍藥櫻桃俱掃地自註以病中過此

二物也兩載扈從歸逢重午都下二物亦已過時今年還鑣獨早私喜猶得見之





曲山龍軒曰蘇中又景淵對茶茶天會際蕭坤卦

同年高子澹人居則供奉

內廷出則追趨

行在蓋無時不在

帝左右久矣

北巡之役以力疾扈從出關而復

皇上既眷念之深高子亦自以不獲終事為憾歸既少


間檢行次所錄益考索

屬車經行之地著塞北小鈔凡

乘輿遊息顧問下至山川阨塞寒燠雨晴古今建置及

說鈴 塞北小鈔序

卷七





其他奉使行役。殊俗異聞。無不備矣。頃以新秋。過  
從。受而卒讀。乃爽然自失。念與高子羈旅投分。迄  
於通籍。各蒙

異數。亟歷星霜。今高子以飛揚報

主之身。雖躔違

清蹕。猶采述見聞。助揚

聲教。誠足備故事於

昭代。答

殊遇於無窮。而余以衰颯。猥玷清班。咕嚕文史之間。揣

慙

記注之頃。自顧無狀。日月逝矣。從此上負

聖恩。而下慚吾友。豈有窮時。因書以志焉。勾吳年弟巖

繩孫題





請封之原自簡無非日月並吳豈出上貞

聖

士尚猥以豎儒生逢

聖主朝夕

禁闕奉職七年

巡行所至如喜峰口喀爾沁奉天府烏喇清涼山皆得

珥筆以從其所經過山川風土攷取事實與巡狩

謁

陵諸典禮荒祠野戍之遺蹟各有紀錄次第成編而

上所諮詢以及

恩遇之隆則慎而不書頃將

說令塞北小抄跋

卷七





扈從北巡。偶檢金文靖前後北征錄讀之。見其凡有賜余纖細必載。亦不敢忘。

君恩之意也。既感沉疴。中途先返。雖得略覩塞北山川。終以未獲追隨。


六御訪興安中京之舊事。錄而藏之。深為惆悵。顧以疾。病致煩。

聖慮。深慈稠疊。至再至三。揣分不安。但增感泣。雨窓伏枕。敬為書志。欲使世世子孫銘此。

異數永戴

天恩至于

駐蹕之地。仍錄卷末。以資異日之叅攷焉。





天恩至干  
異鴻永漢

余在翰林高君澹人嘗以其侍從出入之所紀述  
跡余余輒爲論序其事所以颺寵榮讚盛美旣亦  
見於余文矣今年余在春官澹人從北出塞行數  
日道病

上憫其勞遣醫甲士護以歸旣歸

手敕戒所遣醫謹調衛毋怠忽蓋優遇如此澹人病少  
間則記錄其山川阨塞道里風俗所經涉稍稍及  
其蒙被恩禮及與

上所問答者又以跡余澹人言曰進而語吾人曰



君退不使人知臣之志也余感其言進於澹人曰古者  
君臣皆面相與語後世勢濶絕或易之以書又虞  
舜時君臣皆面相作歌後世託諷喻通下情則虞  
屬之其臣之辭辭之盛者如卷原被訛管以長楊  
羽獵之賦蓋詩言志而賦者古詩之流皆於書之  
義一也然吾聞之心之精微口尚不得盡言之而  
況於書乎又況於詩若賦之託諷喻而通下情者  
乎今澹人荷橐簪筆從

上出入日有所論著書所不逮見於所載賡之辭如何

所云歌賦之類傳於時甚衆而又時時相面以語  
語或不盡傳何哉夫人臣之義善則歸君至若遭  
逢聖明將順所事君之善也傳之所以歸君也其  
不盡傳者慎之至也卷阿之詩長楊羽獵之賦大  
抵主於匡正規勸而猶傳之而況於將順君之善  
者哉吾願所已言者傳之以揚吾

君之善其所未言澹人勉其可傳者而已康熙二十二年秋七月三日澤州陳廷敬序



請返不盡數回請夫人曰之善善傾聽吾至苦盡  
退云無翅之醜曾欲報其眾而文却却併面以語

塞北小鈔

內廷供奉翰林院侍讀臣高士奇

康熙二十二年六月十二日癸未寅時臣士奇扈

蹕出東直門天日晴暢午次花梨坎

上面論臣士奇且向村落暫歇頃之尚食

上徹御前盤餐

諭中使向村中覓士奇賜之

駐蹕牛欄山

長殿賜食臣偶侵暑氣

兗令塞北小鈔

二

七卷





上命以冰水飲益元散二椀方覺清涼又

遣御醫馬之駿就帳房診視夜深復

遣中使來看按牛欄山在順義縣北二十里相傳山有

中峰洞洞內金牛時常出現然山不甚高遠望之

僅蜿蜒一北耳是日得詩一首

扈從出都恭紀

炎官駕日擁晴霞曉色清明拂翠華筆硯幾年隨

豹尾關山直北控龍沙虛傳涼淀遺風舊欲笑淺

敲往事餘何似

至尊崇孝治朝朝親侍

五雲車

甲申小暑過螺山宋王沂公會行程錄曰順州東

北過白嶼河北望銀冶山又有黃羅螺盤牛欄諸

山即此是耶志云紅螺山高二百餘仞潭中有二

螺夜常放光故名午次螺山北尚食

上曰爾夜來服藥好未臣士奇對曰昨蒙

聖恩賜以醫藥今已稍愈

上曰爾南人為何亦飲冰水臣士奇曰天氣炎熱非冰





莫解。

上曰朕聞南人殊不畏暑。臣士奇曰南人從來畏暑故有吳牛見月而喘之語。

上大笑晚渡潮河。

駐蹕密雲縣北密雲本漢白檀地。後魏置密雲縣。隋爲檀州。唐初仍曰密雲縣。今因之。潮河在縣東南。自古北口流入縣界。西南流至順義縣合於白河。宋景定二年蒙古忽必烈親將諸軍由檀順州駐潮河川。明宏治十三年火篩自大同深入分遣大臣

戍此。李東陽曰。朶顏通潮河川古北口一日而近是也。邊防攷潮河寬處可一二里狹處僅二三丈。昔人每以木石縱橫布列兩旁築臺臺下有鐵門關外爲夾牆。許論謂潮河川係元時避暑故道。設橋則浮沙難立爲塹則漲水易淤。宜多建石墩列川中錯綜宛轉令不碍水路。今石墩遺趾尙存。是日得詩一首。

渡潮河

平野忽紆繩。上下踰阡陌。廢縣古庠奚。

密雲本漢庠奚縣舊



治晉廢屏音蹄縱橫堆亂石。水勢西南流。斷岸黃沙積。巨浸連白河。廻環接地脉。古砦餘頽基。當年此疆畫。

浮梁度

翠輿撇冽競輕策。

杜詩云渡河不用船。干騎常撇冽。

夏雲行晶晶。曦光

淡將夕。六月塞上山。巖嶂生新碧。

已酉過九莊嶺。水經注鮑丘水自塞外南流。經九

莊嶺是也。

駐蹕石盤峪。南峪內有龍潭。百步許。形如石盆。水深無

底。相傳有龍時見。

上駕臨潭。上潭影澄澈。輕條出水。

上顧

臣士奇曰。潭中果有龍乎。

臣士奇對曰。龍變化不

測。時見時隱。或潛深淵。千里似亦有之。但潭中未

必盡有龍也。潭側佛寺龍爪槐一株。蔭可數丈。人


坐其下。眉宇皆碧。既下山。行十餘里。張幄白河側。

晚膳

賜食如常。白河亦曰鮑。北水俗曰大榆河。白石塘嶺流

入密雲縣。又南經懷柔。順義縣。流入通州境。明萬

歷中。議者謂順義縣牛關山而下。白河潮河二水。





言金  
交會水勢深廣漕舟易達牛關山而上水源既分  
支流自弱密雲城西有白河故道宜於楊家莊地  
方築塞新口疏通舊道使白河自城西經流直至  
潮河交會則水勢至大牛關山至密雲亦可以舟  
運矣晚大雷雨是日得詩一首

石盤峪龍潭應制

蒼山幾合脊靈湫當谷口渟淵俯澄澈擘石同益  
缶變幻龍有無窟宅依林藪讀易悟飛潛此理或  
時有陰崖苔蘚滑岌業路徑陡荒祠蔭古槐危闌  
接牛斗非關瑤水遊喜隨

仙仗後瞻對慙拘愚

宸衷本虛受

丙戌經金溝屯石匣營營西有石如匣自此東北  
行乍原乍隰十里爲腰亭舖又十里爲新開嶺又  
十里爲老王店金史貞祐二年潮河溢漂古北口  
鐵裹門關至老王谷卽此王沂公會行程錄云自  
檀州入山五十里至金溝館將至館川原平廣謂  
之金溝淀契丹主常於此過冬今名曰金溝屯大



戶居此

駐蹕古北口內是日臣忽患痢薄暮侍

上漁於要水

上在舟中顧臣士奇曰聞爾有病何以復來臣士奇對

曰此間風土人所難至臣得扈從登覽誠爲深幸

上顧顯親王溫郡王曰彼方抱病勉強隨侍似難支持

耳頃之尚食

上諭臣士奇曰觀爾氣色殊未佳當節飲食可回帳房

調理遂奉

命先回發執竟夜下痢十餘次是日得詩一首

金溝屯

夜雨晴宿莽羽林發平日行行原隰異廣狹境屢

換金溝仍昔名舊館已汗漫嗟哉古戍人秋蓬暗

凌亂覽史憶沂鄭道里有程按宣命時往還孤踪

費侃侃我今陪

豫遊翺翔等飛翰攬轡莫踟躇茲來誠泮奐

丁亥強起曉行望霧靈山雲霧蒙羃水經注云孟

廣礪山也下有廣礪水自黑峪關入西南流經墻



子嶺西合清水河山之左右峰巒攢列深松茂栢  
內地之民多取材焉元有霧靈山伐木官辰時出  
古北口鹵簿盡設古北口兩崖壁立中通一車下  
有深澗巨石磊砢凡四十五里爲險絕之道亦曰  
虎北口五代史唐燕樂縣有東軍古北二守梁乾  
化三年晉將劉光濬攻劉守光克古北口石晉開  
運二年契丹主人寇還至虎北口聞晉取秦州復  
南向宋宣和三年金人敗遼兵于古北口金史古  
北口國言曰留幹嶺嘉定二年蒙古侵金兵至古

北口金人退保居庸關元致和元年泰定帝子阿  
速吉八立於上都遣兵分道討燕鐵木兒子大都  
時脫脫木兒守古北口與上都兵戰于宜興上都  
兵敗走宜興元興州屬縣也在古北口外明洪武  
二十二年命燕王出師古北口襲乃顏不花于迤  
都降下之永樂八年塞古北口小開口及大關外  
門僅容一人一馬宋王沂公會富鄭公弼使契丹  
亦由斯徑王沂公行程錄云古北口兩旁峻崖中  
有路僅容車軌口北有舖設弓連繩本范陽防扼



契丹之所最為隘束今

聖德所被遠邇來歸口隘之間墩埃盡輟

皇上親奉

太皇太后避暑宸遊開誠布公內外一體蒙古諸部落

拜迎道左甚恭謹撫綏之道實前代所希觀也口

內蕭寺刻宋蘇文定公轍古北口道中詩云亂山

環合疑無路小徑縈迴長傍溪髣髴夢中尋蜀道

興州東谷鳳州西宋史元祐間轍嘗代軾為翰林

學士尋權吏部尚書使契丹館客者侍讀學士王

師儒能誦洵軾之文及轍伏苓賦按此則奉使時

所題也亭午尙食槐條灣臣士奇在

上前鼻衄不止

上諭臣士奇曰爾在京患病初愈勉力隨行爾之勤慎

朕悉知之今見爾病日增且此去房屋漸少無靜養

之所朕甚念之當送爾回京調理臣士奇奏曰臣數

年以來屢從

皇上巡歷喜峰口奉天府烏喇及清涼山未嘗以病偷

安况塞北山川人所罕至思奉





屬車登臨觀覽實爲厚幸若中道先回於臣子扈從  
之誼未安且偶然患痢不日自可全愈也

上沉吟久之復

諭臣士奇曰前面有皇莊可暫住調治愈則隨行不愈  
仍當回京聽爾自便無過於勞頓

賜御饌如常亦不能下箸蓋因裹急身熱殊憤憤也  
駐蹕長漢溝地面甚隘連營三十餘里復

命侍衛同御醫馬之駿來帳房診視之駿云中受時氣  
發熱作嘔恐有變症薄暮包衣昂邦費揚俄傳

旨着臣士奇明日須就皇莊人家暫歇一二日好則隨  
行未愈則宜歸家悉由爾便是日得詩二首

曉行望霧靈山兼懷館閣諸君子

晨發望溟濛靈山雜烟霧茄曲休吹出塞吟旗臺  
莫認從軍路草際閑花滿道周荒碑題是古興州  
籠鵝射雁地何所空餘野淀名金溝都城去此三  
百里風亭水榭青霄裏六月何曾苦鬱蒸竹床湘  
簟清如水月落天邊第幾峰藤蘿陰翳萬千重扈  
遊不減丘壑意吾將跌蕩開心胸



古北口

古鎮青山口雙崖對面削綫路通兩軌峰如犬牙  
錯險阻自天成何人施鑿鑿怪石虎狼蹲硤角馬  
驚愕

盛世尚柔遠邊陲久開拓歲蕤列雲旂金支曜叢薄  
憶昨經榆關山川恣搜索春來望雁門千里窮寥  
廓懷抱早超然當暑再持橐出塞起長詒

皇心在經略

戊子過十八盤嶺一徑逶迤盤旋下上兩崖亂山

多生雜樹時方盛夏枝葉蒙茸向午鳴蟬斷續相  
接過嶺地略平衍至偏嶺南午膳

上見臣士奇侍側曰此間有皇莊可往憇焉

駐蹕鞍匠屯去偏嶺十五里王沂公行程錄云出古北  
口度德勝嶺盤道數層俗名思鄉嶺八十里至新  
館過鵬窠嶺偏槍嶺四十里至卧如來館蓋山中  
有卧佛像故也又有烏灤河墨斗嶺渡雲嶺等名  
宋宣和六年著作郎許亢宗使金亦有奉使行程  
錄云幽州之地沃野千里北限大山重巒中有五



關居庸可以行大車通轉餉松亭即今之喜峯口金坡古

北口止通人馬不可行車外有十八路盡免徑鳥

道止能通人不可行馬今十八盤嶺或即德勝嶺

偏嶺或即偏槍嶺又聞前路有灤河儀粟河及喇

馬洞洞中亦有石刻佛或即卧如來館也按元葉

隆禮契丹國志云由古北口至中京東過小河唱

叫山道北契丹主避暑莊有序臺又云契丹主夏

居炭山或上陁避暑七月上旬復入山射鹿遼史

云每歲七月中旬自納涼處起牙帳入山射鹿令

獵人吹角效鹿鳴既集而射之謂之砥嫌鹿又名

呼鹿四時各有行在之所謂之捺鉢避暑之地多

在吐兒山子河吐兒山在黑山東北二百里近饅

頭山富鄭公行程錄臨潢西北二百里號涼淀在


饅頭山南避暑之處今所至興安搭布喇者相傳

為契丹主避暑所居彼土人射鹿之法亦如之惜

未身歷不能詳攷其地理而其道路口隘則因

車駕巡幸新經開廣非復向時之阨塞矣是日得詩二

首





十八盤嶺

塞行日厭山騁望少平陸北上更岩堊繚曲往而  
復前旌趨礪底後隊出灌木蒙茸草樹繁鳥徑殊  
逼蹙火雲照衣裳三庚近初伏馳驅萬馬蹄翫  
氣局縮執執思層冰蘊蒸走深谷向午聞鳴蜩凌  
風振輕縠

塞外臥病對月

月出衆山靜迢迢萬里心絕看離遠嶠忽已過重  
林樹帳清輝入絺衣夜氣侵衰頰照顏鬢伏枕悟

升沈

已丑以侍從諸人車輛未到仍

駐蹕鞍匠屯

上之體念羣情無所不至矣痢轉增劇夜不能寐得詩  
一首

塞上懷張學士

同爲隨輦客有懷詎能已我今塞北君江南風烟  
相隔幾千里邊城遼落邊馬肥赤日黃埃到客衣  
江山風月久應待年年對客空言歸龍眠山下君



家住遠峰亭子生真趣嘯傲羲皇卧北牕性耽芳  
草情嘉樹羽林後騎何紛紛珥筆揮鞭轉憶君緘  
書欲寄秋來雁日暮望斷江東雲

庚寅

車駕發鞍匠屯遣太醫院吏目唐虞際來守視且

諭以卽晚奏

聞虞際診脉謂臣士奇四肢煩熱飲食減少恐成禁口  
之症須加調攝不宜更冒炎暑

駐蹕上都河去偏嶺六十五里是日得詩三首

塞上偶吟

盡攬殊方勝道

王輦過地驚時候別詩記土風多夜靜聞豺虎山空散  
駱駝遺踪問前事何處是鵬窠

警蹕當三伏涼飈旦夕吹不逢花落晚更見草生  
遲故壘防秋廢層臺避暑宜幾人能出塞力疾賦  
新詩

萬山行遍無人徑板屋蒿墻望盡稀巢裏鷹雛爭  
得食沙邊雁乳浴初飛宵連毳幙趨



行殿曉縱金羈入

御園始信遐陬無六月非關信斷着寒衣唐盧弼有鄉國近來書信

斷至今猶自着寒衣之句

辛卯

上命侍衛傳

旨着臣士奇回京靜攝復

命包衣昂邦遣撥什庫一名披甲五名圍人一名送回

京都沿途飲食宿歇皆着皇莊人等用心供給又

諭臣士奇若不能乘馬須覓轎徐行唐虞際亦着同回

以便途次用藥

聖慈周渥感激涕零自愧犬馬之報無從也是日得詩

二首

賜歸途中作

從遊念疇昔載筆屢冬春病苦炎天劇歸銜

聖主仁獨行卧蓬轄飛夢傍鈎陳遠愧崔亭伯從容賦

四巡漢崔駰上四巡頌

樺皮鋪板屋松葉架山樓藥物煩中賜盤餐不外

求退風飛宋鷁見月喘吳牛漸喜歸途近檀州過





順州

壬辰乘曉涼過十八盤嶺午後入古北口天忽雨  
晚至石匣營皇莊尚遠卽城陰支帳房宿有民人  
王姓者年七十七自云本浙之金華人具糜粥以  
進密雲順義諸處雖接壤京都地連邊鄙居人士  
牖繩樞寺宇亦甚荒狹皆難栖止也

癸巳雨行田間禾黍芄芄顧而樂之自念少無宦  
情宜就畝畝巖耕之願當早爲計午至密雲縣城  
西皇庄孫家急雨飈盆覓車不可得飯畢仍騎馬  
渡潮河河水驟漲三十里過螺山二十里至牛欄  
山皇庄商家宿病熱不能食支床而卧雨聲終夜  
矣是日得詩二首

雨中過密雲縣城西行田間

密雨陰濃白鳥飛徑穿禾黍到柴扉鄉心忽記西  
疇事水稻花香蟹漸肥

閒園十畝越江濱只合披蓑作隱淪不見山村籬  
落下科頭箕踞種田人

甲午雨未霽行五十里就村店炊粥飲之申刻入



東直門抵寓則

上已有

聖諭至宮中着

乾清宮總管內臣顧問行及御藥房提調內臣劉夢

龍太醫院御醫戴元植來就視病勢若何詳細奏

聞二十七日戊戌駐使賚

聖諭回宮又遣總管內臣顧問行楊澈到臣寓問好否

閏六月初一日辛丑中使至京再蒙

垂問復於御藥房提調內臣劉夢龍奏帖之後

御筆批用心調理不可輕視八字是日轉補侍讀之

命下一介小臣叨此

原眷同於

辛酉

自庚寅後

駐蹕之地臣士奇不獲侍從詢之扈從諸臣得其大略

並錄於左

辛卯

駐蹕藍旗鷹窠





壬辰

駐蹕波羅城

癸巳

甲午發波羅城

駐蹕烏爾格思泰

乙未

丙申發烏爾格思泰

駐蹕伊孫喀卜沁口

丁酉

駐蹕拜布哈口

戊戌

駐蹕烏喇代

己亥

庚子

辛丑閏六月朔

壬寅

癸卯

甲辰

說鈴 塞北小鈔

卷七





乙巳

丙午發烏喇代

駐蹕布敦口

丁未

駐蹕客林各爾之烏里雅蘇泰

戊申

駐蹕西爾哈

己酉

駐蹕營西爾哈

庚戌

駐蹕色爾伯口

辛亥

駐蹕那林各爾

壬子

駐蹕格德勒庫

癸丑

駐蹕噶哈圖

甲寅

說鈴塞北小鈔

卷七





駐蹕烏喇代

乙卯立秋

丙辰

丁巳

戊午

己未

庚申發烏喇代

駐蹕烏里雅蘇泰

辛酉

駐蹕營口

壬戌

駐蹕崑推

癸亥

甲子發崑推

駐蹕拜察

乙丑

丙寅

丁卯





戊辰

己巳

庚午七月朔發拜祭

駐蹕和托克圖布喇克

辛未

壬申發和托克圖布喇克

駐蹕壺爾希勒之齊老圖

癸酉

駐蹕索龍山谷口

甲戌

駐蹕鳴拜谷之蒙魁口

乙亥

丙子發蒙魁口

駐蹕哈馬爾壺爾希勒河邊

丁丑

駐蹕鳴拜谷口

戊寅

己卯發鳴拜谷口

說鈴 卷七

卷七





駐蹕上都

庚辰

辛巳

壬午發上都

駐蹕薩打澗

癸未

駐蹕夏克圖

甲申

駐蹕西喇他喇

乙酉

駐蹕喀喇巴克什

丙戌

駐蹕鞍匠屯

丁亥

戊子

己丑發鞍匠屯

駐蹕古北口第一泉

庚寅入古北口





駐蹕湖河營

辛卯

駐蹕陳穀莊

壬辰

駐蹕王家莊

癸巳

駐蹕三家店

甲午

上奉

大皇太后回宮

臣

士奇因轉補侍讀啟

奏謝

恩蒙

上垂問病已好否仍

諭服藥調理

二十八日丁酉

上召臣士奇至


養心殿賜觀塞外所產盤羊夜光木盤羊鹿身細尾

兩角盤背上有蹙文按羊之屬有麕有獐說文麕

兪令塞北小鈔

三

卷七





大羊而細角有圓繞蹙文夜則懸角木上以防患  
爾雅註麋似羊而大角圓銳好在山崖間陶宏景  
註本草云其角多節蹙蹙圍繞者爲麋羊陸佃埤  
雅獐羊似吳羊而大角狀若騾而群行暑天塵露  
在其角生草戴行代都賦所謂獐羊養草以盤旋  
是也李時珍云山羊有二種一種大角盤桓肉至  
百觔据諸說攷之盤羊殆卽獐羊也夜光木生絕  
塞山間積歲而朽月黑有光過雨益甚移置  
殿上通體皆明白如螢火迫之可以燭物以素堯貯

水投之水光澄澈雨露日遠則光漸滅矣攷之群  
書真誥良常山有螢火芝大如豆形紫華夜視有  
光述異記東方朔謂帝曰臣遊東流至鍾火之山  
有明莖草夜如金燈亦名洞冥草拾遺記祖梁國  
獻蔓金苔色如黃金置漆盤中照耀滿室名曰夜  
明苔若夜光木未有載者惟黃山志載有放光木  
殆其類歟




CL.

NO.

46805

言金




国立国会図書館

タイトル『説鈴』 請求記号 082.1-Se2162

ガラス使用





国立国会図書館

タイトル『説鈴』 請求記号 082.1-Se2162

ガラス使用